

Ad eundem fluvium cernuntur *Stow* & *Needham* mercatoria oppidula, nec procul à ripa *Hemingston*, in qua tenuit terras Baldwinus *Le Pettour* (notato mihi nomen) per *Seriantiam*, loquor ex antiquo libello, pro qua debuit facere die natali Domini singulis annis coram Domino Rege Angliæ, unum saltum, unum fuffletum, & unum bumbulum, vel ut alibi legitur, per saltum, fufflum & pettum, id est si intelligo, ut saltaret, buccas cum sonitu inflaret, & ventris crepitum ederet. Ea fuit illorum temporum aperta & læta hilaritas. Notaturque quod ad hoc feudum *Manerium* de *Langhall* spectavit. Propius ostium *Ipswich*, olim *Gippewich* urbiculum humiliori situ vidimus, quæ hujus Comitatus quasi ocellus, portu satis commodo, vallo & aggere olim præmunita, mercimoniis frequens, magna habitatorum multitudine referta, templis quatuordecim ornata, ædibus amplis & magnificis exulta. Quatuor religionum ædes, nunc everfas prætermitto, & collegium magnificum quod inchoavit *Thomas Wolsæus* Cardinalis hic ex lano natus, cujus vastus animus nimis alta semper spiravit. Corpus Politicum (ut accipi) constat ex duodecim *Burgensibus* (*Portmen* vocant) è quibus pro summis magistratibus quotannis eliguntur duo *Ballivi*, totidemque *Iusticiarii*, ex *XXIII* aliis. Quod ad antiquitatem attinet, quantum observare potui, nomen ante Danicam irruptionem, quam experta fuit, non auditum. Anno Salutis *DCCCC LXXXI* Dani tanta immanitate hunc locum, & omnem maritimam regionem deprædati sunt, ut *Sirio* Archiepiscopo *Cantuariensi*, & Angliæ proceribus pacem ab illis decem librarum millibus redimere consultissimum videretur. Nihilominus vix nonus agebatur annus, cum hoc oppidum iterum diriperint, statimque Angli prælio fortiter eos exceperint, sed unius (ut habet *Huntingdonensis*) *Turkilli* meticulosa fuga, (levibus enim momentis maximæ fiunt in bello inclinationes) nostris in fugam coniectis, victoria è manibus excidit. *Edwardo* Sancto regnante, ut est in *Censuali Angliæ Commentario*, De hac Regina *Edeva* duas partes habuit, & Comes *Guert* tertiam partem, *Burgensesque* erant *DCCC*, reddentes consuetudinem Regi. Cum vero *Normanni* Angliam occupassent, castrum hic erexerunt, quod contra *Stephanum* usufructuarium Angliæ regem *Hugo Bigod* aliquandiu propugnavit, sed demum dedit: hoc nunc ita disparuit, ut rudera non supersint. Sunt qui volunt fuisse in parochia proxima de *Vestfeld*, ubi rudera castris cernuntur, & olim vetus *Gippwis*, ut ferunt, confedit. Demolitum tunc credimus, cum *Valeton* castellum vicinum solo complanaret *Henricus Secundus*. Hoc enim seditiosis perfugium erat, & ad hoc exposita tria millia *Flandrorum*, quos in illum evocaverant Angliæ proceres, cum *Henricum* filium immaturo consilio æquata potestate regem designasset; juvenisque, cui inter præcipitum & summum nihil medium erat, regnandi cupiditate furens, nefarium in patrem bellum indixisset. Quamvis hæc castra jam evanuerint, littus tamen hoc satis defenditur immani dorso (*Langerston* vocant) quod per duo plus minus millia, ut inquit ille, summo mari non sine magno navigan-

tium periculo & terrore longe incumbit, usui tamen est piscatoribus ad pisces exsicandos, & spatiosum portum *Orwell* quodammodo præmun- nit. Hæc ad Australem hujus agri partem.

Hinc incurvatum littus (hæc enim plaga Orientalis tota mari obversa est) in Septentriones procurrens, mox * *Debeno* fluviolo se aperit, qui fontes habet juxta *Mendlesham*, cui jus mercatus, & *Nundinarum* ab *Edwardo Primo* loci Dominus *H. Fitz-Orto*, sive filius *Orthonis* sculptoris cuneorum acquisivit, per cujus hæredes non minima possessio ad *Boutetorts* Dominos de *Vily* in *Wigornienfi* Comitatu decidit, & ab illis denuo regnante *Richardo Secundo* ad *Frenill*, *Burnell*, & alios. Hic *Debenus* fl. primum affunditur & nomen facit *Debenham* mercatorio oppidulo, (quod *Debenham* alii rectius dici volunt) quod ex argillaceo & humidiori solo viæ circumquaque sunt profundiores & impeditiores. Inde defluit per *Vifford* *Roberti* de *Vifford*, *Suffolciæ* Comitatus quondam sedem, & huic altera ripa oppositam *Rendelisham*, id est, interprete *Beda*, *Rendili mansio*, ubi *Redwaldus* Orientalium Anglorum Rex plurimum egit, qui primus ex sua Gente Baptismatis fonte Christo renatus erat: postea tamen ab uxore seductus in deum fano & altare, ut inquit *Beda*, ad Christi religionem, & arulam ad *Demoniorum victimas* habuit. *Swidelmus* etiam Rex Orientalium Anglorum à *Cedda* episcopo postea hoc loco sacro baptismi lavacro fuit ablatus.

Hinc *Debenus* fl. ad *VWoodbrig* descendit, oppidulum nitidis ædificiis excultum, ubi stas temporibus *Conventus* pro libertate *S. Etheldredæ* habentur, & post pauca emensa millia ab Oceano ab *Barndsey* portum suscipitur.

Iam littus sensim in ortum proreptans ad *Orifluminis* ostium, quod juxta *Framlingham* quondam *Bigodorum* castrum profunditur, statimque ad occidentum ejus latus quasi in lacum diffunditur. Castrum hoc est pulcherrimum, aggere, fossa, & muro magnæ crassitudinis, in quo tredecim turre, firmatum, interiusque ædificiis in usum commodissimis instructum. Hinc anno Salutis *M C LXXIII*, cum seditiosus filius Regis *Henrici Secundi* in patrem arma caperet, *Robertus Leicestriæ* Comes cum mercenariis *Flandris* late regionem infestavit. Hinc etiam anno *M D LIII* *Maria* Regina regnum auspicata est frendente contra *Henrici VIII* filias *Northumbriæ* Duce *Dudleio*. *Parrham* oppidulum deinde flumen accedit, cujus Dominum *Guilielmum Villoughby* Baronis dignitate ornavit Rex *Edwardus Sextus*, & postea *Glemham*, quæ vetustæ & celebri familiæ nomen imposuit, præterlapsus ad *Oxford*, cui nomen facit, in mare descendit. Amplum & frequens hoc fuit oppidum, castroque è rufescente saxo munitum, quod olim ad *Valoinios*, & postea ad *Willoughbæos* pertinuit, sed de Oceani ingratitude hodie conqueritur, qui sensim se subducit, & portus commoditatem invidere cœpit: nec aliud est quod de *Oxfordia* dicam, nisi placeat hæc paucula *Radulphi* de *Coggeshall* vetusti scriptoris verba percurrere, Tempore *Henrici Regis*, cum *Bartholomæus* de *Glanvile* custodiret castellum de *Oxford*, contigit ut piscatores hominem sylvestrem inter retia sua comprehenderent, qui speciem

* *Thredling* alii vocant.

Boute tort.

Rendelisham.

* *Winchell* alii dicuntur. *Framlingham.*

Parrham. Barones *Willoughby* de *Parrham.* *Oxford.*

Tenuta lepida.

Ipswich

Waleton.

Langerston.